


五古古

音音
色

駢複

線字字





五

色

線

撰人不詳

叢書集成初編

五色線（及其他二種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

五
色
線

叢書集成初編所選津逮祕
書及龍威祕書皆收有此書
龍威一卷本不全津逮二卷
本故據以影印

五色線卷上

東吳毛晉子晉訂

渾天儀

晉天文志張平子作銅渾天儀崔子玉爲碑銘
曰數術窮天地制作侔造化高才偉藝與神合
契

紫氣 黃象

洞真大隱書云金霞紫虛道書天事

星曲似眉

春秋元命苞曰天有攝提人有兩眉爲人表候
陽立於二故眉長二寸注曰攝提兩星頰曲人
眉似之

奎壁

晉天文志二星主文章天下圖書之祕府星明
王者興道術行國多君子星失色大小不同王
者好武經士不用圖書隱

龍尺木

獻帝春秋曰龍欲騰翥先階尺木

月暈風生

造化權輿云葭灰缺而月暈決雞翅焚而颺風生

少女風

風名古詩云宜男草頭珠露下少女風前玉葉收

四雲

呂氏春秋山雲草莽水雲魚鱗旱雲煙水雨雲
水波也

雨香

征途記曰蕭總曾遇洛神女相見後至葭萌逢
雨認得香氣曰此雲雨從巫山來獨我知之
天雨米

伏虔古今注惠帝三年桂宮陽翟俱雨稻米

雨綿

伏虔古今注漢帝永和年長安雨綿皆白

琢氷

文子曰巧冶不能銷木良匠不能琢氷

三月氷

京房曰三月氷歲不成四月氷天下荒五月氷

其國亡六月氷天下兵

木斤

洪範五行傳言木兵者名曰木斤有甲冑之象

闌干石乳

梁裴子野上朝直雪詩沐雪欸千門擲風朝萬
戶集霰踰丹殿流雲飄繡柱滴瀝垂土膏闌干
懸石乳

臥雪

宋玄白夏則衣綿冬則單衣臥雪中去身丈餘
周匝氣出如蒸而雪不凝

金牛

異苑有人見積雪久而不消掘地下見藏中有金牛

玉馬

東瀛公營中見積雪不消數日怪而掘之得玉馬高三尺

仙衣拂石

禪林法要云大石周圍八十里有天人着六銖

衣下拂其石每一劫一拂不盡乃終劫也

蛤中佛

續酉陽隋帝嗜蛤所食數逾千萬忽有一蛤椎擊如舊帝異之寘几上一夜有光及明肉自脫有一佛二菩薩像帝悔不食

徵內典中禽事

鷺頭作嶺雞足名山孔雀爲經鸚鵡語偈字中疑鶴珠裏認鵝

獸事

金翅鳥王銀角犢子地名鹿苑塔號雀離啐啄

同時慵悞調伏

同上

半面笑

幽明錄賈弼夢見人曰愛君美貌欲易君頭許

之後能半面笑半面啼兩手把筆文辭各異

短人行案上

漢武帝故事時東都獻短人長五寸上疑是山

精常令人行案上東方朔問曰巨靈如何 阿
母 否

金椎子

續酉陽雜俎新羅國人名笏奄有弟甚富笏奄
因分居乞衣食國人有與其隙地一畝乃求蠶
穀種於其弟弟蒸而與之奄不知也後生一蠶
大如牛食葉數樹不足其弟知而殺之四方百
里內蠶飛集其家謂之蠶王四隣共繰之不息

穀惟一粒穗長尺餘旁也常守之忽鳥啣去旁
也逐之上山鳥入石罅旁也因止石側至夜半
月明見群小兒赤衣共戲一小兒曰你要何物
一曰要酒小兒露一金椎子擊石酒及樽悉具
一曰要食又擊之餅餌美炙羅于石上良久飲
食而散以金椎插於石罅旁也取其椎而歸所
欲隨擊而辦因是富侔國常以珠璣贍其弟乏
後其弟效之爲群鬼所執令築糠三板拔其鼻

如象而歸

石函中人

酉陽雜俎有人打牆掘地遇一石函發之忽有一人起於函中被白髮長丈餘振衣而起出門失所在蓋道門太陰鍊形日將滿人必露之

異蜂

續酉陽雜俎龍門有一蘭若庭多古桐一年桐始華有異蜂聲如人吟咏禪師視之具體人也